

## Lita Nampa 2 Paulalu Walkatju<sub>ra</sub>

Iyantja Ngura Tjitja-lanikalakutu

### 2 Thessalonians

## Nyangatja Nga<sub>n</sub>manytju Nyakula

Wangkanytjaku

Nyangatja lita kutjupa Godaku tjukurpa Paulalu walkatjunkunytja Jesuku walytja tju<sub>t</sub>aku ngura panya Tjitja-lanikala nyinanytja tju<sub>t</sub>aku. Paluru nga<sub>n</sub>manytju lita tjanampa walkatju<sub>ra</sub> iya<sub>n</sub>u, ka nyangatja lita nampa 2 paluru tjanampa walkatju<sub>ra</sub> iyantja.

Ka ngura nyara palula Jesuku walytja tju<sub>t</sub>a Godalawanu tjuka<sub>r</sub>uru nyinangi. Palu a<sub>n</sub>angu kutjupa tju<sub>t</sub>angu kunyu tjananya Jesunya wa<sub>n</sub>annyangka ananangi munu kuraningi. Palu Jesuku walytja tju<sub>t</sub>angu kunyu tjananya kulira wantingi munuya Godanya tungun-tunguntu wa<sub>n</sub>aningi munuya ti<sub>t</sub>utjara mukulya pulka nyinangi.

Palu paluru tjana Jesunya malaku pitjanytja pu<sub>t</sub>u nguwanpa kuliningi, panya a<sub>n</sub>angu kutjupa tju<sub>t</sub>angu tjanala ngunti wangkangi Jesunya nga<sub>n</sub>manypa pitjanytja. Kaya palulanguru tjituru-tjitururingi, ka Paulalu nyanga palunya kulira lita nyangatja tjanampa walkatjunu tjananya tjuka<sub>r</sub>uruntjikitjangku. Munu paluru tjananya painu tjukurpa kutjupa tju<sub>t</sub>a kulilwiyangu wantinytjaku, panya Jesunya kuwaripatu nyinanyi malaku pitjanytja wiyatu. Munu paluru tjanala tjakultjunangi nyaaringkuku ngula Jesunya malaku pitjanytja kuwaripangka. Paluru wangkangu alatji, "Jesunya pitjanytja kuwaripangka a<sub>n</sub>angu tju<sub>t</sub>a mulapa Godala tungunpungkuku munuya palunya wantiku. Ka nyara palula malangka Wati Kuralpainya pakalku

munu anngangu winki ngunti kurara tjananya wituwitulku palunya kutju walkkuntjaku Godanya wantira. Ka palulanguru kutju Jesunya malaku pitjaku munu paluru Wati panya Kuralpainya wiyalku alatjitu.” Alatji Paulalu tjananya wangkara tjukaruruningi.

Munu lita nyanga palula Paulalu tjukurpa kutjupa tjanala wangkangi panya rawa maniktija warkarinytjaku maiku. Panya kutjupa tjarangku warka wantira nyinangi Jesunya malaku pitjanytjaku patara. Ka Paulalu tjananya painu munu tjananya wituwitunu rawa warkarinytjaku.

### **Tjukurpa nyanganpa ngarinyi:**

1:1-2 Paulalu nganmanytju wangkanytja

1:3-12 Paulanya tjanampa pukularinytja munu tjanampa Godala tjapintja

2:1-17 Paulalu Tjintu Malatja tjakultjunkunytja panya Jesunya pitjanytja kuwaripangka

3:1-5 Paulanya mukuringkunytja tjana palumpa Godala tjapintjaku

3:6-18 Paulalu tjananya maiku warkarinytjaku wituwituntja munu tjukurpa malatja wangkanytja

### *Paulalu Nganmanytju Wangkanytja*

<sup>1</sup> Uwa, Jesuku walytja tjuta, ngayuluna Paulalu lita nyangatja nyurampa walkatjunanyi ngura pala Tjitja-lanikala nyinanytja tjutaku. Panya nyura Mama Godaku walytja mulapa nyinanyi Mayatja Jesuku Christaku kulu. Kala Tjaalatjalu Timitjilu nganana mankkurtu lita nyan-gatja nyuralakutu ma-iyni nyurampa pukularira.

<sup>2</sup> Ka Mama Godalu Mayatja Jesulu Christalu kulu nyuranya pukultju pulkangku kanyinma munu nyuranya kurunpa rapara pukulmanama.

*Jesunya Malaku Pitjanytja*

<sup>3</sup> Uwa walytja tjuṭa, nyura kunyu Mayatja Jesuku pulkara mulamularingkula palunya titutjarangku wanalpai wantinytja wiyangku, munu kunyu nyuranku rawangku mukulyangku ngapartji-ngapartjingku alpamilalpai. Kala tjukurpa nyuranyatjara kulira pulkara pukularinyi munula rawangku Godanya walkuni nyura palunya wirura wanannyangka. Nyangatjala Godanya tjukarurungku walkuni nyuralanguru panya paluru nyuranya nintini palunya wirura wanantjaku ka nyurampa mukulya palulanguru pulkaringanyi.

<sup>4</sup> Ka nyura palunya rawangku tungun-tunguntu wanannyangka nganaṅa ngura kutjupa tjuṭangka paraṅgala nyuranyatjara tjakultjukupai Jesuku walytja kutjupa tjuṭangka. Panya anangu kura tjuṭangka nyuranya Jesunya wanannyangka ananigi munu nyurampa pikaringkula nyuranya pungangi. Ka panya nyura tjananya kulira wantingi alatjitu munu panya nyura rapangku titutjarangku Jesunya wananigi wantinytja wiyangku. Kala alatji tjanala tjakultjukupai nyuranyatjara Jesuku walytja kutjupa tjuṭangka.

<sup>5</sup> Uwa, panya anangu kutjupa tjuṭangka nyurampa tjituru-tjituru palyantjikitja mukuringkupai, ka panya nyura tjananya kulira wantira Jesunya tungun-tunguntu alatjitu wanaṅi. Palu ngula Godalu anangu uwankara palula kuranyu ngaratjungkula kutju kutju ngurkantara tjaralku, kaya nyara palula arangka uwankarangku nyakula kulilku alatji, “Munta mulapa Godalu alatjitu tjukarurungku ngurkantankupai.” Ka nyuranya Godalu wangkaku alatji, “Nyuranya panyaya anara pikangku pungangi nyura ngayunya wanannyangka. Nyara palulanguruya nyuranya kuraningi ngayuku walytja nyinanyangka. Ka nyura ngayunya tungun-tunguntu titutjarangku wanannyangka ngayulu nyurampa

puḷkaṛa pukuḷarinyi munuṇa nyuranya walytjanmaṛa tiṭuṭjarangku kanyilku ngayuku alatjiṭu nyinanytjaku.” Alatji Godalu nyurampa pukuḷarira nyurala wangkaku. <sup>6</sup> Panya Godalu tjukaṛurungku alatjiṭu ngurkantankupai. Munu paluru nyuranya anaṛa kuraṛa pungkuyangka nyakula aṇangu panya nyuranya kuralpai tjuṭa palu puṛunypaṭu palunya tjananya nyakula ngapartji pailku. <sup>7</sup> Munu paluru nyuranya pukuḷmaṛa wiṛuṛa kanyilku nganaṇanya kulu nyurala tjuṅuṛa, ka nyuntunya nganaṇanya puṭu piṛuku pikatjaralku.

Panya Godalu nganaṇanya alatjinkuku ngula tjintu malatjangka Mayatja Jesunya ilkaṛinguru pitjanyangka. Panya nyara palula aṛa paluru witulya puḷka mulapa pitjaku angelpa mungilyitjara waṛu winkitjara puḷkaṛa nguḷuringkunyutjaku. <sup>8</sup> Munu paluru pitjala tjananya ngapartji pungkuku aṇangu panya Godanya wantipai tjuṭa, panya tjana Tjukurpa Palya Jesunyatjara kuliṛa wantira kura tjuṭa tiṭuṭjarangku palyaningsi. <sup>9</sup> Ka palulanguru Godalu tjananya paṛa iyalku tiṭuṭjara paṭu nyinanytjaku Godala tjuṅu wiya. Kaya paluru tjana Godala pitalytji puḷkangka nyinanytja wiya mungawaluṛungka nyinara puṭu palyakitja ngaraku, munuya palunya witulya puḷka mulapa nyinanyangka nyakunytja wiya alatjiṭu nyinaku.

<sup>10</sup> Uwa, Jesunya pitjanyangka mulapa nyanga alatjiriku. Kala tjintu nyara palula aṇangu panya palumpa walytja tjuṭangku palunya nyakula kurunpa winki pukuḷarira wangkaku, “Ai, nganampa wiṛu mulapa wirkanu.” Munula palumpa puḷkaṛa pukuḷarira palunya walkuṛa mirawaṇiku. Ka nyura kulu nganaṇala tjuṅuringkula palunya nyakula mirawaṇikuṭu, panya nyura palumpa mulamularingu ngaṇmanypa nganaṇa nyurala tjukurpa palunyatjara tjakultjungkunyangka.

<sup>11</sup> Uwa, munula nyanga palunya kulira nganaa Godala nyurampa rawangku tjapilpai nyura tjukururungku palunya rawangku wanantjaku. Panya Godalu nyuranya ngurkantanu tjukururu palumpa walytja mulapa nyinanytjaku. Ka nyura panya Jesuku mulamularingkula rawa mukuringanyi kutjupa kutjupa wiru tjuta Godaku palyantjikitja, kala palulangu ru Godala rawangku tjapilpai nyurampa paluru nyuranya witulyangku nintintjaku nyura wiru tjuta uwankaratu tjungungku tjukururungku palyantjaku. <sup>12</sup> Nyanga palumpala tjapilpai anangu tjutangu nyuranya wirura palyannyangka nyakula Mayatja Jesunya Christanya pulkara walkura palunya mirawaninytjaku, ka nyara palulangu ru paluru nyuranya nyakula palyanmankuku. Palu nyanga alatjiriku Godalu munu Mayatja Jesulu Christalu nyuranya pukultju pulkangku witulyankunyangka kutju.

## 2

### *Wati Kura Utiringkunyntja Jesunya Pitjanyntja Kuwaripangka*

<sup>1</sup> Uwa walytja tjuta, panya Mayatja Jesunya ngula malaku pitjanyi ngananya uwankara palula tjunguntjikitja. Kala tjukurpa nyanga palunya nyurala tjukutjuku wangkanytjikitja mukuringanyi nyura tjukururu mulatu kulintjaku. <sup>2</sup> Panya kutjupa tjutangu kunyu nyurala tjakultjunu alatji, “Jesunya alatjitu pitjangu.” Ka nyura kunyu kulira tjituru-tjitururingu. Palu wantima tjituru-tjitururinyntja wiyangku panya paluru malaku pitjanyntja wiya kuwaripa. Tjinguru paluru tjana ngunti kulinu nganaa tjukurpa palatja litangka walkatjunkunyntja-palku, palu nganala Jesunya nganmanypa pitjanyntja walkatjunkunyntja wiya. Munta tjinguru kutjupangku tjanala ngunti

wangkangu alatji, “Tjukurpa palatja Kurunpa Milmil<sup>tu</sup> Paulala tjanala tjakultjunu.” Palu wiya Kurunpa Milmil<sup>tu</sup> ngana<sup>n</sup>ala tjakultjunkunytja wiya Jesunya ngan<sup>n</sup>manypa malaku pitjanytja. Munta tjinguru kutjupangu tjanala tjakultjunu ngana<sup>n</sup>a tjukurpa nyanga palunya wangkanytja-palku. Palu wiya, ngana<sup>n</sup>ala wangkanytja wiyatu. Ka nyura uti tjanala kulintja wiyangu wantima tjituru-tjitururinytjaku-tawara. <sup>3-4</sup> Panya tjana nyuranya araka ngunti kura<sup>n</sup>i nyura tjanampa mulamularingkunytjaku, kaya tjananya kulira wantima.

Panya Mayatja Jesunya pitjanytja kuwaripangka an<sup>n</sup>angu winkingku Godala kulira wantiku munu palula tungunpungkula palumpa mulamularingkunytja wiyaringkuku. Ka nyara palula malangka wati kuralpai tjutaku mayatja pulka mulapa utiringkuku Godanya panya wantipainya. Wati nyara paluru panya Godala pulkara tungunpungkuku, munu paluru an<sup>n</sup>angu tjutangu god kutjupa kutjupa tjuta walkunnyangka munu tjukuritja kutjupa kutjupa tjuta kulinyangka kulu tjananya pailku palunya kutju walkuntja-tjiratjangku. Mununku paluru wangkaku, “Ngayulu kutju pulka mulapa uwankarangka waintarinytja, kaniya ngayunya kutju walkunma.” Munu paluru Jerusalemala Godaku timpulangka unngu tjarpara nyinaku Godaku arangka mununku walytjangku Godanyanmankuku.

Uwa, wati nyara paluru Godala pulkara tungunpungkuku, palu panya tjintu malatjangka palumpa kura pulka mulapa ngaraku waru pulkangka palunya waninytjaku.

<sup>5</sup> Tjukurpa nyanga palunya panya ngayulu nyurala mungatu tjungu nyinaralpi tjakultjunangi, ka nyura wanyu kulini panyatja?

<sup>6</sup> Palu walytja tjuṭa, nyura ninti panya kutjupangu kuwari wati panya kuralpai tjuṭaku mayatja pulka an-gatjunanyi anangu tjuṭangka utiringkunyjtaku-tawara. Ka ngula Godalu kulira palyanmankunyangka kutju wati nyara paluru utiringkuku.

<sup>7</sup> Palu kuwari nyanga mamu panya Satantu anangu tjuṭa kampangkatu wituwituni Godala tungunpungkunytjaku, kaya tjuṭangu palula kulira kura rawangu palyani. Palu panya kutjupangu kuwaripankutu markura kanyini wati panya kuralpai tjuṭaku mayatja pulka. Munu ngula Godalu palyanmankunyangka kutju wati panya palunya markura kanyintjatjanungku wantir'iyalku, <sup>8</sup> ka paluru anangu tjuṭangka utiringkula nyinaku munu Godala rawa tungunpungkuku. Palu Mayatja Jesulu witulya pulkangu pitjala wati panya palula wirkara wangkaku, ka uparingkula wiyaringkuku alatjitu.

<sup>9</sup> Uwa, mamu Satantu wati nyara kuralpai tjuṭaku mayatja pulka iyalku witulya pulka ungkula. Ka paluru pitjala kutjupa kutjupa pulka tjuṭa witulyangu palyalku Satantu nintinnyangka. Kaya anangu tjuṭangu paluru ayinayiningku palyannyangka nyakula palunya ngunti mirawaniku Godanya-palku kulira. <sup>10</sup> Panya paluru kura kutjupa kutjupa tjuṭa palyara tjananya ngunti kuralku, panya paluru tjana iwara kurangka ankula puṭu tjukaruru nyinanytjikitjangku kulilpai. Tjinguruya tjukurpa tjukaruru Jesunyatjara kulira mulamularingama, ka Godalu tjananya wankarunama.

Palu tjana tjukurpa palunya kulira alatjitu wantingi, ka palulanguṛu Godalu tjananya paira iyalku ngura kurakutu ankunytjaku pika pulkatjara titutjara nyinanytjaku.

<sup>11</sup> Uwa, paluru tjana tjukurpa tjukaruru Jesunyatjara kulira wantinyangka Godalu tjananya wantir'iyalku

munu tjananya kulintja kampa kutjupankuku tjukurpa nguntiku mulamularingkunytjaku, ka palulanguru wati panya kuralpai tjutaku mayatja pulkangku ngunti wangkanyangka tjana tjukurpa mulapa-palku kulilku tjukarurungku-palku. <sup>12</sup> Ka palulanguru tjukurpa tjukaruruku mulamularingkuwiyangku wantinytjangu Godalu tjananya ngurkantara paira iyalku ngura kurakutu ankunytjaku, panya tjana kunta wiyangku titutjarangku kura kutju pukultu palyaningi.

### *Jesunya Titutjarangku Kulira Wanama*

<sup>13</sup> Palu walytja tjuta, Mayatja Jesunya nyurampa pulkara mukuringanyi. Panya nganmanyju mulapa Godalu uwankara paluntja kuwaripangka nyuranya ngurkantanu kuranguru wankarura kanyintjikitjangku. Munu paluru Kurunpa Milmilnga nyurala unngu tjarpatjunu nyuranya tjukaruruntjaku, nyura Godala rawangku wanganarangku kulintjaku. Panya nyura Jesuku tjukurku mulamularingkunyangka paluru nyuranya wankarunu, ka panya Kurunpa Milmilu nyuranya rawangku nintilkatinyi wirura palyanyku nyinanytjaku. Ka nyanga palulanguru ngula tjintu malatjangka Godalu nyuranya wankarunkuku. Ka nyara palulanguru nganana pulkara pukularinyi munula Godanya rawangku walkulpai paluru nyuranya wirura kanyinnyangka. <sup>14</sup> Panya paluru nyuranya wankaru kanyintjikitjangku altingu nyura Mayatja Jesula Christala tjunguringkula titutjara nyinanytjaku witulya pulkangka. Palulanguru Godalu nganannya iyanu nyurala Tjukurpa Palya tjakultjunkunytjaku Jesunyatjara. Ka panya palulanguru paluru nyuranya altinyangka nyura kulira palumpa walytjaringu.



<sup>15</sup> Ka walytja tjuṭa, pala palulanguṛu nyura uti kunpu ngarala Jesunya titutjarangku wananna. Munuya tjukurpa panya nganana nyurala nganmanytju wangkanytja rawangku kulinma watarkurinytja wiyangku. Panya tjukurpa nyara palunya nganana Mayatja Jesula kulintjatjanungku nyurala tjakultjunu munula nyiringka kulu walkatjunu munula nyuralakutu iyanu.

<sup>16-17</sup> Uwa mulapa Mayatja Jesunya munu Mama Godanya nganampa pulkara mukuringu munulanya pukultjungku nganannya rawangku rapalpai palula tjungu pukulpa nyinanytjaku. Panya Godalu mukulyangku nganannya kalkunu ilunyangka wankara pakaltjingantjikitjangku palula tjungu titutjara nyinanytjaku. Kala nyara palulanguṛu mulamulangku kulira kurunpa rapa pukulpa nyinanyi palumpa alalangku patara. Ka Mama Godalu Mayatja Jesulu Christalu kulu nyuranya kurunpa kunpunma nyura wiru tjuṭa rawangku mukulyangku palyantjaku munu tjukurpa wiru tjuṭa kulu wangkanytjaku.

### 3

#### *Paulaku Tjanampa Godala Tjapintjaku*

<sup>1</sup> Palu walytja tjuṭa, wanyuya wirungku nganampa Godala tjapinma. Munuya palula tjapinma anangu ngura winkitjangku Tjukurpa Palya Jesunyatjara kulintjaku ngura tjuṭangka. Munuya palula tjapinma tjananya unngu nintintjaku, kaya ngura winkingka tjukurpa palya kulintjatjanu mulamularingkuku, nyura purunypa, panya nyura kulira mapalku mulamularingu, palu purunypa. <sup>2</sup> Munuya Godala rawangku tjapinma paluru nganannya wankaru kanyintjaku wati kura tjuṭangku mirpanarira pungkunytjaku-tawara, panya anangu

kutjupa tjuṭṭangu Godaku tjukurpa kulira wantipai mulamularingkuwiyangu.

<sup>3</sup> Palu walytja tjuṭṭa, kulilaya. Mayatja Jesunya nyuntula nganaṇala tiṭṭjara nyinanyi wantikatinytja wiya, munu panya paluru nyuranya kalkuntjatjanungku mulapa kurunpa rapa nyinanytjaku palyalku munu nyuranya mamungka-tawara atunyntju wankaru kanyilku. <sup>4</sup> Uwa, nganaṇa Mayatja Jesuku pulkara mulamularinganyi munula palulanguru kulini alatji, “Mulapa Tjitja-lanikala nyinanytja tjuṭṭangu kuwari wiru tjuṭṭa palyani nganaṇa panya tjanala nganmanyntju wangkanytja tjuṭṭa.” Munula piruku kulini alatji, “Mulapa tjana tiṭṭjarangu palyalku wantinytja wiyangu.”

<sup>5</sup> Kala Mayatja Jesula nyurampa tjaipilpai nyuranya Godaku mukulya nintintjaku, ka nyura nintiringkula kulilku panya Godanya nyurampa pulkara mukuringanyi. Munula piruku tjaipini paluru nyuranya kurunpa rapantjaku, nyura Jesulu purunyntju Godanya tungun-tunguntu wanantjaku pakuringkunyntja wiyangu.

### *Jesuku Walytja Tjuṭṭa Uti War̄karima*

<sup>6</sup> Palu walytja tjuṭṭa kulilaya, Mayatja Jesulu Christalu panya nganaṇanya wangkangu maikitja pulkara war̄karinyntjaku pakuringkunyntja wiya. Kaya kulila, panya nyurampa ngurangka kunyu Jesuku walytja kutjupa tjarangu war̄ka wantira nyinanyi. Ka tjana war̄ka wantinyangka nyura uti palula tjanala junguringkuwiyangu wantima, panya paluru tjana kulira wantinyi nganaṇa war̄kaku tjananya wituwitunnyangka. <sup>7</sup> Nyura panya ninti nganampa, panya nganaṇa nyurala nyinaralpi pakuwiya war̄karingi nyurala mirangka nyura nganaṇanya nyakula nyura kulu araka war̄ka wirura palyantjaku. <sup>8</sup> Munu

panya kutjupangku nganaṅanya maingka palṅjara kanyinnyangkala nganaṅa palunya mani ngapartji ungangi. Munu panyala kalala mungangka kulu pulkara warṅkaringi mani palyara mai walytjangku mantjintjikitja nyurala ngatjintjaku-tawara. <sup>9</sup> Tjinguṅula tjukurpa wangkarampa nyurala maiku ngatjinma, panya Jesulu nganaṅanya wituṅa iyaṅu tjukurpa nyurala tjakultjunktjaku. Palu wiya, nganaṅa panya nyurala ngatjintja wiyangku wantira pulkara warṅkarira mani palyara mai walytjangku mantjiningi nyura kulu nyakula nintiringkula warṅkarira mani maiku palyantjaku. <sup>10</sup> Panya nganaṅa nganṅmanytju nyurala nyinaralpi nyuranya alatji wangkara painu, “Anṅangungku warṅka wantira nyinanyangkaya mai ungkunyitja wiyangku wantima.”

<sup>11</sup> Alatjila wangkanyi panya kutjupangku kuwari nganaṅala tjakultjunu panya nyuralanguru kunyu Jesuku walytja kutjupa tjarangku warṅka wantira nyinanyi, munuya kunyu warṅka wantira para-ngaṅala anṅangu warṅkaripai tjuṅangka unytju tjunguringkula kuralpai tjanampa warṅka. <sup>12</sup> Kala palunya tjananya pulkara wituwituṅi manikitja warṅkarinytjaku, mai walytjangku payamilara ngalkuntjaku. Nyangatjala Mayatja Jesulu wangkanytja wangkanyi nganaṅa kulira walytjangku wangkanytja wiya, kaya uti tjana wanganarangu kulinma munuya manikitja pulkara warṅkarima mai walytjangku mantjintjikitja.

<sup>13</sup> Palu walytja wiru tjuṅa, rawangkuya wiru tjuṅa kutju palyanma pakuringkunyitja wiyangku.

<sup>14</sup> Uwa, nyangatjala tjukurpa tjuṅa walkatjunu nyura tjukarurungku kulira palyantjaku. Ka nyura tjinguṅu Jesuku walytja kutjupa kulira wantinyangka nyakula uti

palunya tjuṭangka mirangka painma munuya palula tjunguringkuwiyangku wantima. Ka anangu paluru kulira kuntaringkuku munu tjinguru kampa kutjuparira pal-yaringkuku. <sup>15</sup> Palu nyura uti palumpa mirpanarinytja wiyangku purkarangku kaly pangku wangkara palunya tjukarurunma, panya paluru Jesuku walytjatu nyinanyi munu nyurampa kulu.

### *Tjukurpa Malatja*

<sup>16</sup> Uwa Mayatja Jesulu kutjungku nganananya kurunpa rapa pukulpa nyinanytjaku palyalpai. Kala palula nyurampa tjapini nyuranya kulu tjintu kutjupa tjintu kutjupa kurunpa rapantjaku, ka kutjupa kutjupa tjuṭa nyurala utiringkunyangka nyura titutjara pukulpa rapa ngaraku. Kala tjapini Mayatja Jesula paluru nyurala tjungu titutjara nyinanytjaku.

<sup>17</sup> Uwa, alatjituna wangkanyi nyurala lita nyangangka. Palu wati ngayuku malpangku ngayulu wangkanyangka kulintjatjanungku lita nyangatja walkatjunanyi nyurampa, palu kuwari nyangana ngayulu alatjitulta walkatjunanyi nyanga alatji, “Ngayulu ini Paulanya mununa nyuranya rawangku kulilpai.” Nyanga alatji panyana tjukurpa malatja walkatjunkupai lita uwankarangka anangu uwankarangku walka ngayuku ngurkantarā kulintjaku, “Mulapa nyangatja Paulaku lita.”

<sup>18</sup> Uwa, alatjituna walkatjunanyi. Ka Mayatja Jesulu Christalu nyuranya pukultjungku wirura kanyinma.

**Tjukurpa Palya**  
**Portions of the Holy Bible in the Pitjantjatjara language of**  
**Australia**

copyright © 2019 Bible Society of Australia

Language: Pitjantjatjara

Translation by: The Pitjantjatjara Bible Translation Project, Wycliffe Bible Translators and Bible Society Australia.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

    You include the above copyright and source information.

    You do not sell this work for a profit.

    You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-04-23

---

PDF generated using Haiola and XeLaTeX on 19 Oct 2021 from source files dated 22 Nov 2019

b29b7786-0954-5b75-82cb-3657182b63d6